

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
ZAVOD ZDRAVSTVENOG OSIGURANJA
TUZLANSKOG KANTONA
TUZLA

Tuzla, Franjevačka 36, tel.: +387 35 30 06 00, fax: +387 35 27 53 73, e-mail: info@zzotk.ba

Broj: 04-1420-1545-184-8/18-ES/EN
Tuzla, 29.01.2019. godine

Na osnovu člana 12. Statuta Zavoda zdravstvenog osiguranja Tuzlanskog kantona ("Službene novine TK" broj: 4/16) i Preporuke Komisije broj: 04-1420-1545-184-5/18 od 25.01.2019. godine, donosi se

O D L U K A

Član 1.

Za pružanje zdravstvenih usluga za koje su utvrđene liste čekanja u trajanju dužem od 90 dana na Klinici za očne bolesti JZU UKC Tuzla, bira se PZU Poliklinika „VAŠE ZDRAVLJE“ Tuzla.

Član 2.

Nakon dobijanja saglasnosti Ministarstva zdravstva Tuzlanskog kantona i Odluke Upravnog odbora o davanju saglasnosti na zaključivanje ugovora, Ugovorni organ će pozvati izabranog ponuđača radi zaključenja Ugovora.

Član 3.

Ova Odluka će biti objavljena na web stranici Zavoda zdravstvenog osiguranja Tuzlanskog kantona istovremeno sa upućivanjem ponuđaču koji je učestvovao u postupku javne nabavke.

Član 4.

Ova Odluka dostavlja se ponuđaču koji je učestvovao u postupku javne nabavke.

Član 5.

Odluka stupa na snagu danom donošenja.

OBRAZLOŽENJE

Na osnovu Saglasnosti Ministarstva zdravstva Tuzlanskog kantona broj: 13/1-37-495-19 od 14.01.2019. godine, objavljen je Javni poziv za dostavu ponuda za realizaciju pružanja zdravstvenih usluga za koje su utvrđene liste čekanja u trajanju dužem od 90 dana na Klinici za očne bolesti JZU UKC Tuzla (u daljem tekstu: Javni poziv).

Rješenjem o imenovanju Komisije broj: 04-1420-1545-192/18 od 21.01.2019. godine, imenovana je Komisija za izbor najpovoljnije ponude dostavljene po Javnom pozivu.



Dana 18.01.2019. godine donesena je Odluka o izmjeni Javnog poziva broj: 04-1420-1545-184-1/18. Izmjene su se odnosile na Aneks 1 – priloga Javnog poziva.

S obzirom da je izmjena Javnog poziva izvršena 18.01.2019. godine a rok za dostavu ponuda bio je 21.01.2019. godine do 12 sati, Odlukom o izmjeni Javnog poziva je utvrđeno da će Ugovorni organ u slučaju dostavljanja Aneksa 1 koji nije u skladu sa izmjenom, isti prihvatiti kao valjan, ali će prilikom dodjele ugovora izabranom ponuđaču biti uvažene korekcije Aneksa 1.

Na Javni poziv prijava/ponuda dostavljena je od strane PZU Poliklinika „VAŠE ZDRAVLJE“ Tuzla.

Nakon pregleda i ocjene ponude, Komisija je utvrdila da ponuda ponuđača PZU Poliklinika „Vaše zdravlje“ Tuzla ispunjava formalno pravne uslove.

Na osnovu tačke 3. Javnog poziva, zakazani su pregovori za 24.01.2019. godine, sa početkom u 13 sati.

Nakon provedenog pregovora sačinjen je Zapisnik o pregovorima broj: 04-1420-1545-184-4/18 od 24.01.2019. godine, koji sadrži sve elemente oko provođenja pregovora kao i donesenih zaključaka.

Dana 25.01.2019. godine, sačinjena je Preporuka Komisije broj: 04-1420-154-184-5/18 kojom se predlaže da se ugovor za realizaciju usluga pružanja zdravstvenih usluga za koje su utvrđene liste čekanja u trajanju dužem od 90 dana na Klinici za očne bolesti JZU UKC Tuzla u 2019. godini, dodijeli ponuđaču PZU Poliklinika „VAŠE ZDRAVLJE“ Tuzla, te je na osnovu toga odlučeno kao u dispozitivu ove Odluke.

POUKA O PRAVNOM LIJEKU:

Na ovu Odluku ponuđač ima pravo da pokrene žalbeni postupak u roku od 5 dana od dana prijema ove Odluke.

Dostavljeno:

1. Ponuđaču (s povratnicom)
2. a/a



DIREKTOR

Mirsad Hodžić, dipl.ecc.